

BOSNA I HERCEGOVINA
Federacija Bosne i Hercegovine
Federalno ministarstvo financija - finansija
Porezna uprava Federacije BiH
S a r a j e v o

Broj:13/12-45-1-38-10/20
Sarajevo, 11.03.2020. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**
n/p Izmir Hadžiabdić, sekretar

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Prilježeno: 16-03-2020

| Org. jed. | Broj | Priloga | Vrijednos. |
|-----------|--------|---------|------------|
| 05/2 | - 02 - | 40 | 20 |

**BOSNA I HERCEGOVINA
FEDERACIJA BOSNE I HERCEGOVINE
VLADA**
n/p Edita Kalajdžić, sekretar Vlade

PREDMET: Odgovor na delegatsko pitanje, koje je postavila delegat
Segmedina Srna Bajramović, dostavlja se
Veza: Vaši akti broj:03-04-282-4/2020 od 26.02.2020. godine i
04/2-02-41/20 od 18.02.2020. godine

Vašim aktima, broj i datum kao u vezi dostavili ste delegatsko pitanje koje je na 5. sjednici Doma naroda Parlamenta Federacije BiH, održanoj 13.02.2020. godine postavila delegat Segmedina Srna Bajramović, a koje glasi:

Tražim od Porezne uprave FBiH da dostavi podatke iz Jedinstvenog sistema registracije, kontrole i naplate doprinosa, koliko je od stupanja na snagu novog Zakona o radu prijavljeno zaposlenih na neodređeno, a koliko na određeno, koliko uposlenih nakon 2015. godine imaju neprekidno trajanje uplata doprinosa bez prekida duže od tri godine?

Prije svega želimo da vam ukažemo na određene zakonske odredbe.

Zakonom o jedinstvenom sistemu registracije, kontrole i naplate doprinosa (Službene novine FBiH broj: 42/09,109/12,86/15,30/16) propisano je u članu 12. da je prijava za upis u Jedinstveni sistem prijava za osiguranje, promjena osiguranja i odjava osiguranja, a članom 14. Zakona propisano je da obveznik uplate doprinosa podnosi Poreznoj upravi prijavu za upis u Jedinstveni sistem za svakog novog zaposlenika najkasnije dan prije otpočinjanja rada osiguranika, promjena u osiguranju zaposlenika podnosi se sa danom nastanka promjene, a odjava osiguranja za zaposlenika najkasnije sa danom prestanka rada osiguranika.

Postupak podnošenja prijave za upis i promjene upisa u Jedinstveni sistem, način i rokove dostavljanja ličnih podataka, shodno članu 16. Zakona uređeno je Pravilnikom o o podnošenju prijave za upis i promjene upisa u jedinstveni sistem registracije, kontrole i naplate doprinosa (Sl.novine FBiH broj: 73/09, 38/10, 77/10,9/11,1/13,83/14 i 1/15 i 48/16 i 53/19).

Članom 6.,16. i 19. Pravilnika propisano je da obveznik uplate doprinosa, podnosi potpisanu prijavu za upis u Jedinstveni sistem u nadležnoj ispostavi Porezne uprave, za svakog novog zaposlenika najkasnije dan prije otpočinjanja rada osiguranika kod istog, odjavu osiguranja najkasnije sa danom prestanka osnova za osiguranje osiguranika.

Prijava osiguranja, promjena u toku osiguranja i odjava osiguranja vrši se na obrascu JS 3100 koju obveznik uplate doprinosa za zaposlenika podnosi za upis u Jedinstveni sistem shodno članu 9.,17. i 18. Pravilnika.

Za tačnost i ažurnost dostavljenih podataka odgovoran je podnosilac prijave, odnosno odgovorno lice shodno članu 17. Zakona.

Prema navedenom uz obrazac prijave osiguranja JS 3100 nije propisano da obveznici uplate doprinosa dostavljaju ugovor o radu iz koga bi se moglo vidjeti da li je ugovor zaključen na određeno ili neodređeno vrijeme, niti obrazac JS 3100 sadrži polja u koja bi se unosili podaci da je zaposlenje na određeno, odnosno neodređeno, te Porezna uprava ne raspolaže sa podacima o broju zaposlenih na određeno, odnosno neodređeno.

Shodno navedenom ukazujemo vam da Porezna uprava vodi evidenciju o zaposlenim licima po prijavi/promjeni/odjavi osiguranja (JS 3100) koju dostavljaju poslodavci.

U narednom tabelarnom pregledu dostavljamo vam podatke o broju zaposlenih iz baze Jedinstvenog sistema od 31.12.2015. godine obzirom da je Zakon o radu objavljen u Službenim novinama FBiH broj 26/16 od 06.04.2016. godine, u kojem je proglašen Zakon o radu koji je usvojio Parlament FBiH na sjednici Predstavničkog doma od 31.07.2015. godine i na sjednici Doma naroda od 31.03.2016. godine, kako slijedi:

| R.br | Dan/mjesec/godina | Broj zaposlenih | Razlika tekuća u odnosu na prethodnu godinu |
|--------|-------------------|-----------------|---|
| 1 | 31.12.2015 | 485.940 | |
| 2 | 30.04.2016 | 493.000 | 7.060 |
| 3 | 31.12.2016 | 503.971 | 10.971 |
| 4 | 31.12.2017 | 513.313 | 9.342 |
| 5 | 31.12.2018 | 525.408 | 12.095 |
| 6 | 31.12.2019 | 535.937 | 10.529 |
| UKUPNO | | | 49.997 |

Prema tabelarnom pregledu evidentno je da je od 31.12.2015 do 31.12.2019. godine broj zaposlenih povećan za 49.997, odnosno povećanje od 10,28%.

U naprijed navedenom tabelarnom pregledu prikazani su podaci o broju zaposlenih koji su u radnom odnosu na dan (31.12.2015., 30.04.2016., idr), odnosno u tabelarnom pregledu nisu uključeni zaposlenici koji su bili prijavljeni pa odjavljeni u toku mjeseca, dok se na obrascu MIP-1023- Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak prikazuju svi zaposlenici pa i oni koji su radili manje od mjeseca, jer je obaveza poslodavca da izvrši isplatu plaće i uplatu zakonom propisanih obaveza za period za koji je zaposlenik radio, pa čak i ako se radi o jednom danu.

Takođe u navedeni broj zaposlenika nisu uključeni osiguranici koji su imali povremene i privremene poslove ili poslove po osnovu ugovora o djelu.

Analizirajući podatke o isplaćenim plaćama i uplaćenim doprinosima na bazi dostavljenih obrazaca MIP-1023 Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak; PMIP-1024 Pojedinačni mjesečni izvještaj o isplaćenim plaćama, obračunatim i uplaćenim doprinosima i porezu na dohodak od nesamostalne djelatnosti, dostavljamo vam podatke kako slijedi:

U 2017. godini u prosjeku za 486.366. zaposlenika poslodavci su mjesečno isplatili plaće i uplatili zakonom propisane doprinose i porez na dohodak, dok se u prosjeku za 20.092 zaposlenika mjesečno, nisu blagovremeno uplatile zakonom propisane obaveze.

U 2018. godini u prosjeku za 503.695. zaposlenika poslodavci su mjesečno isplatili plaće i uplatili zakonom propisane doprinose i porez na dohodak, dok se u prosjeku za 17.331 zaposlenika mjesečno, nisu blagovremeno uplatile zakonom propisane obaveze.

U 2019. godini u prosjeku za 501.166. zaposlenika mjesečno poslodavci su isplatili plaće i uplatili zakonom propisane doprinose i porez na dohodak, dok se u prosjeku za 31.017 zaposlenika mjesečno, nisu blagovremeno uplatile zakonom propisane obaveze.

S aspekta naprijed navedenih podataka za 2017., 2018., i 2019. godinu, ukazujemo da još uvijek svi poslodavci nisu dostavili propisane obrasce o isplaćenoj plaći i uplaćenim doprinosima za određene mjesece, da određen broj obrazaca zbog utvrđenih greški nije još uvijek obrađen, odnosno vraćen poslodavcu da ispravi greške, zatim pojedini poslodavci ne vrše blagovremeno isplate plaće i uplate propisanih obaveza, te je za očekivat u narednom periodu da će se promijenit broj zaposlenika za koje su isplaćene plaće i uplaćene obaveze, kao i broj zaposlenika za koje nisu uplaćene propisane obaveze.

Zbog navedenog ukazujemo da se dostavljeni podaci o broju zaposlenika za koje je isplaćena plaća i uplaćeni doprinosi i porez na dohodak, odnosno broj zaposlenika za koje nisu uplaćeni doprinosi mjenjaju, u zavisnosti od ekonomske situacije poslodavaca.

Dostavljeno:

1. Naslovu
2. Federalno ministarstvo
finansija/financija
3. Evidencija
4. a/a

V.D. DIREKTOR

Mr.sci. Šerif Isović